

Kako znati šta predstavlja hitan medicinski slučaj



Hitan medicinski slučaj podrazumijeva iznenadnu bolest ili povredu koja zahtijeva hitnu medicinsku pomoć. U pitanju su slučajevi kad je ugrožen život osobe, ili može doći do gubitka prstiju, ruke, noge, ili slično. Ukoliko se toj osobi ne ukaže pomoć, može doći do ozbiljnih komplikacija ili smrti.

Slijedi nekoliko primjera hitnih slučajeva.

- Bol ili pritisak u grudima, praćen znojenjem i nedostatkom daha
- Gubitak svijesti, nesvjestica
- Teškoće sa disanjem
- U slučaju trovanja hranom ili prevelikom dozom lijekova
- Krvarenje koje ne prestaje
- U slučaju ozbiljnih povreda koje su posljedice pada ili neke druge nesreće
- U slučaju silovanja (seksualnog zlostavljanja)
- U slučaju fizičkog napada na nekoga
- Kad neko pokuša da se ubije, samoubistvo
- Početak epileptičnih napada ili grčeva, ili kad napadi ne posustaju
- Iznenadni napad astme koji ne posustaje
- Iznenadna ukočenost ili nemogućnost pokretanja (paraliza) ruke, noge, ili jedne strane tijela

- Gubitak vida, smanjena sposobnost vida
- Iznenadna glavobolja, praćena bolom u vratu ili gubitkom svijesti
- Promjena psihičkih sposobnosti, npr. kad ne znate gdje se nalazite, ne prepoznajete svoje prijatelje, porodicu, ili kolege
- U slučaju prijevremenog početka poroda

U bilo kojem od ovih slučajeva pomoć možete zatražiti tako što ćete kontaktirati službu hitne medicinske pomoći. U većini slučajeva službu hitne medicinske pomoći možete dobiti na broj 911 sa bilo kojeg telefona. Ostanite mirni, govorite jasno i polako, i objasnite svoj problem osobi koja se javi na telefon.



Ta osoba, operator, poslaće kola hitne pomoći, vatrogasna kola, ili neku drugu ekipu obučenu za hitne slučajeve. Čim te osobe stignu na mjesto događaja, ukazaće pomoć bolesnoj ili povrijeđenoj osobi i pomagaće joj sve do dolaska u bolnicu.

Text- Adapted from the Health Guide For Refugees In Minnesota by the Minnesota Department of Health, Refugee Health Program www.health.state.mn.us/divs/idepc/refugee This work is licensed under the Creative Commons Attribution-NonCommercial-NoDerivs License <http://creativecommons.org/licenses/by-nc-nd/2.5/>

A Healthy Roads Media project
www.healthyroadsmedia.org

Recognizing Medical Emergencies (Bosnian) - Reviewed 3/2009